

դարուած է քրիստոնէական Ե.-ԺԳ. րդ դարը Այրարատում, նոյն ճարտարապետութիւնը նկատելի է Ճորոխի աւազանում :

Բագ, Բագինք, Բագարան, Բագիրեայլայ, Բագառիճ, Բագահառիճ եւ Բագամ արդեօք Բագրատունիների ծագման եւ զարգացման նախնական կէտը չէ, որ իջել են իրենց Էրքենիսից, Բագին են հաստատել դաշտում եւ աարածուել են դէպի հարու՝ Բաբերդոն, արեւմուտք՝ Բալասոս եւ արեւելք՝ Սպեր: Բագ՝ զոհարանի սեղանը չէ, այս անունները մինչեւ այս օր այնպէս են ամրացած - քարացած բնակչութեան գանկում, որ տասնեակ դարերով չի մոռանում: Բագը ոչ միայն Բալասոսի եւ Օլթիի մէջն է, այլ դա անցել է Արարտի ակերը, Անիի գլխին - Ալաջա սարի լանջին Բագնայր, Արագածի գագաթին՝ Բագու լիճ, Արարտի, Ախուրեանի ակերին՝ Բագրան, Բագալառիճն է: Միթէ Սաւալան լեռան այրերում եւ տաճարներում ապրող արեւ-մոխրապաշտ քուրմ-մոզերի նախորդների բագինները չէն հիմնուած նախաշխարհի մշտաբորբոք գաղերի եւ բոցերի (Սուրախանի) բարձունք բագինները, որոնք 40—50 դար անջնջելի են մնացել Բագուի վրայից:

Պէտք է ենթադրել, որ ինչպէս մշտաբորբոք կրակի արտայայտուած կէտերում, նոյնպէս կենսական ջրերի բղխած ակերում հիմնուած են Բագինները - Չոհարանի սեղանները, պաշտոն մատուցանելու Միհր աստուծուն, արեւին եւ Մեծամօր - Անահաթին, անբիժ ջրերի արտադրողին: Այսպէս զոհարարներն էլ կոչուել են Բագ-բատներ (զոհանդներ), որոնք ճոխանալով կազմեցին Բագրատունիների տոհմը, Բաբերդոն-Սպերում: Այն մոզերը, որոնք սկսել էին իրենց գործունէութիւնը աղբերակների Բագիններում զոհարարութեամբ. Վիշապազանց դարում նրանք ոչ միայն վճիռ աղբիւրների եւ Մեծամօր պաշտօնեաներ էին, այլ եւ իրենց սահմանների ջրպետներն ու ջրարաշխներն էին: Ակիատ-Սու մերների երկրի ջրանցքների զարգացման դարում, երբ երկրամշակութիւնը զարգացաւ ջրանցքների շնորհիւ, ջրանցքների շինարարութիւնը հասարակական ամենաանհրաժեշտ գործն էր եւ երկրամշակի իգէալը էր ջրանցք ունենալ իր ցանքսերի մօտ եւ Վիշապազանց քուր-